

HOLY SEE PRESS OFFICE  
OFICINA DE PRENSA DE LA SANTA SEDE



BUREAU DE PRESSE DU SAINT-SIEGE  
PRESSEAMT DES HEILIGEN STUHLS

# BOLETTINO

SALA STAMPA DELLA SANTA SEDE

N. 0632

Sabato 29.08.2015

Pubblicazione: Immediata

Sommario:

- ◆ **Le Udienze**
- ◆ **Lettera del Santo Padre all'Inviato Speciale al VI Congresso Eucaristico Nazionale del Messico (Monterrey, 9-13 settembre 2015)**

## ◆ **Le Udienze**

Il Santo Padre Francesco ha ricevuto questa mattina in Udienza a Santa Marta:

- Em.mo Card. Marc Ouellet, P.S.S., Prefetto della Congregazione per i Vescovi.

[01378-IT.01]

## ◆ **Lettera del Santo Padre all'Inviato Speciale al VI Congresso Eucaristico Nazionale del Messico (Monterrey, 9-13 settembre 2015)**

L'11 luglio scorso è stata pubblicata la nomina dell'Em.mo Card. Francisco Javier Errázuriz Ossa, Arcivescovo emerito di Santiago de Chile, ad Inviato Speciale del Santo Padre al VI Congresso Eucaristico Nazionale del Messico, che sarà celebrato a Monterrey dal 9 al 13 settembre 2015.

Pubblichiamo di seguito la Lettera di Papa Francesco al Card. Francisco Javier Errázuriz Ossa:

Lettera del Santo Padre

Venerabili Fratri Nostro

FRANCISCO XAVERIO S.R.E. Cardinali ERRÁZURIZ OSSA

Archiepiscopo emerito Sancti Iacobi in Chile

"Sacramentum pietatis, signum unitatis, vinculum caritatis" (s. Augustinus, *In Io. tract.* 26, 13), his sonantibus gravibusque verbis divi Augustini, patris et doctoris Ecclesiae, penitus intellegimus quid mysterium eucharisticum, proprie ac mirabiliter efficiat.

Nos autem ardenter cupimus cunctos Christifideles participantes Sacrificium eucharisticum, totius vitae christiana fontem et culmen (cfr. *Lumen Gentium* 2, 1), uberrimis Spiritus donis ditari ad cotidie aedificandam Dei Ecclesiam. Iucunde igitur comperimus a die IX ad diem XIII mensis Septembris in urbe Monterreyensi Congressum Eucharisticum Nationalem iri actum, ut plebs christiana magis magisque caelesti dape sustentata maturam spiritalem vitam plenius adipiscatur necnon pro pace et vitae christiana incremento populi Mexican enixe roget.

Occasione data huiusmodi eventus magni momenti, Venerabilis Frater Rogerus Cabrera López, Archiepiscopus Metropolita Monterreyensis, palam indicans communionem cum Apostolica Sede, humanissime Nos rogavit ut aliquem eminentem ecclesiasticum virum destinarnus, qui, sensum Nostrorum interpres constitutus et publicus orator, nomine Nostro huic Congressui praesideret.

Itaque ad te, Venerabilis Frater Noster, cogitationem Nostram admovimus et animum, qui olim pro Christi grege tibi concredito studiosus Pastor, nunc idoneus occurras ad officium hoc congruenter complendum.

Idcirco harum Litterarum vi Te designamus MISSUM EXTRAORDINARIUM NOSTRUM et, mandatis Tibi factis, destinamus ad memoratum VI Congressum Eucharisticum Nationalem Mexicanum a die IX ad diem XIII mensis Septembris fauste eventurum, ubi pro Nobis loqueris et hortaberis fideles ibi congregatos ad pastorale Successoris Petri sensum, ut plures spiritales fructus ex augusti Mysterii Eucharistici cultu pro se et pro multis consequantur.

Dum per Te, Venerabilis Frater Noster, memoratae insignis sedis sacrorum Antistitem, ceteros Praesules, fideles publicasque auctoritates, qui urbem Monterreyensem ad Congressum advenient salutamus, precibus Nostris eos comitamus atque Deum omnipotentem obsecramus, ut omnes participes huius celebrationis, materno praesidio Beatissimae Mariae Virginis Guadalupensis suffulti, particulares suas Ecclesias aedicare, fidem catholicam tueri bonumque comune fovere valeant.

Omnibus Nostro nomine Benedictionem Apostolicam impertias velimus, quae sit animorum renovationis signum et supernarum gratiarum nuntia, petentes vicissim auxilium precationum pro officio Nostro Petrino recte exercendo.

Ex Aedibus Vaticanis, die XV mensis Augusti, anno MMXV, in Sollemnitate Assumptionis Beatae Mariae Virginis, Pontificatus Nostri tertio.

FRANCISCUS

[01379-LA.01] [Testo originale: Latino]

[B0632-XX.01]

